

# **DNPKK APREZENTA PROGRESU SERBISU 2018**

Dili-Diresaun Nasional Prevensaun Konfliktu Komunitária (DNPKK) ne'ebé tutela iha Sekretaria Estadu Protesaun Sivil (SEPS) Ministériu Interior iha tersa feira (22/01/2019) hala'o enkontru avaliasaun no apresenta progresu serbisu DNPKK tinan 2018 hamutuk ho Kordenadór 12 munisípiu no RAEOA, inklui mós Mediadora husi munisípiu Dili, Baucau, Covalima, RAEOA. Enkontru avaliasaun ne'e prezide hosi Sra. Diretora DNPKK, Lidia Lopes de Carvalho akompaña hosi Xefe Departamentu Prevensaun



Konfliktu, Sr. Martinho Carvalho Sarmento, Xefe Departamentu Rezolusaun Konfliktu, Sr. Julião Fernandes no Xefe Departamentu Sekretaria Administrativa iha salaun Ministériu Interior. Diretora DNPKK, Sra. Lidia Lopes de Carvalho iha abertura hatete enkontru avaliasaun ne'e ho motivu atu apresenta progresu serbisu tinan 2018 nian. "Objetivu husi ita-nia enkontru avaliasaun ne'e atu hato'o progresu serbisu tinan 2018, ne'ebé apresenta Departamentu Prevensaun Konfliktu, Departamentu Rezolusaun Konfliktu, Departamentu Sekretaria Administrativa, Kordenadór no mediadora sir." Dehan Diretora. Diretora agradese ho esforsu Kordenadór Serbisu Prevensaun Munisipál ne'ebé identifika no fornese ona dadus sinais konfliktu, organiza atividade diálogo no mediasaun iha munisípiu sira maské hasoru difikuldade oioin. Iha enkontru ne'e avaliasaun ne'e Kordenadór no Mediadora sira hato'o difikuldade no preokupasaun ne'ebé sira hasoru iha baze. Entretantu, reuniaun ne'e marka prezensa mós representante parseiru dezvoltamentu UN WOMEN, Sra. Vicenta Correia no Asesor hosi SEPS. \*CM&SD\*